

中華律藏

中華律藏

第二十五卷

歷代大藏經律部文獻・中國撰述（十六）

國家圖書館出版社

新刻夾註行事鈔序

法海汪洋鯨濤雲涌拭目以觀水即波波即水分之爲二均之則一若是者眞達觀哉吾祖

南山大師骨髓菩薩頭角聲聞故體法華涅槃之底蘊作爲律鈔垂恤來裔尤大小圓融相即無闕其猶水之波也迨

趙宋靈芝律師握枯木管發揮祖道昭然日月麗天光明盛大山河大地洪纖高下蠅飛更動皆沐其光迄今南北律肆世其業者又祖之於芝也竊惟本邦傳律肇始于

招提眞僧正重興于

西大圓國師傳持于楓峰正律師嗣後岐爲兩派泉州大鳥河州青龍今與楓峰爲天下之三僧坊矣一日慧門光公與法弟瑞公偕至謂余曰四分律鈔紀科文三通各行觀者病焉故移註本文之下繫科其上逐節排布束作一書蓋倣天台三大部故事云茲以鐫梓徵余爲序余且撫卷歎曰公等成茲舉也學柳下惠不膠其蹟者乎夫學問由漸難爲一概好

風好雨人情之常儻不隨時適變則律學隕墜人天爲婆羅門詎不拂祖意哉脫或執古不化又是水波異見之徒不足共語斯宗之要耳是編流行固不待余言而以門公結集之功莫大欲示天下後世之人也敬贅諸首簡

龍飛丁卯桂月轉法輪日

大聖勝軍寺沙門元興印和南拜譔

三籍合觀後序

聖心平等融善惡於一軌凡情逐塵稟昇沈於六趣是以無法之中立法無律之間制律

佛滅百年律分爲五散在印土各建殊論俱餘眞正法律與東方有大因緣佛陀耶舍譯出彼第一部北臺尊者講說流通自爾作疏二十有家各難爲出群拔萃之智術未得醇全覃南山行事鈔十二卷靈芝資持記十六卷及科三卷之出開遮持犯捷徑瀏亮炳如也呼功於曇無之門者耶舍也功於耶舍之門者南山也功於南山之門者靈芝也然而鈔記科文

異部學者病於照對今茲貞享丙寅歲余與法弟瑞芳覺公齊志戮力合三爲一都計四十二卷校讎數本正其訛謬傍加和訓令人易讀顏曰三篇合觀卽命割闕氏式布諸大方庶幾新學道侶憑斯洪範離末法之虞誕知梵學之由漸從戒門而升定堂入慧室而坐覺座也不敏等非敢望功於靈芝之門也後學比丘慈光慧門焚香拜書于泉之大鳥山神鳳律寺

目録

四分律行事鈔資持記目次

卷第一	之一	序	肖像
釋行事鈔序		十門止第	
卷第二	之一	十門之餘	
卷第三	之一	標宗顯德篇第一	

卷第四	之一	集僧通局篇第二	足數衆相篇第三	別衆
卷第五	之一	受欲是非篇第四	通辨羯磨篇第五	
卷第六	之一	結界方法篇第六		
卷第七	之一	僧綱大綱篇第七		
卷第八	之一	受戒緣集篇第八		
卷第九	之一	受戒緣集篇之餘	捨戒六	
卷第十	之一	師資相攝篇第九		
卷第十一	之一	說戒正儀篇第十		
卷第十二	之一	安居策脩篇第十一	受日	

卷第十三 上四之三

自恣宗要篇第十二 通經那衣法附

卷第十四 中一之一

篇聚名報篇第十三

卷第十五 中一之二

隨戒釋相篇第十四 別釋四中第一戒法

卷第十六 中一之三

隨戒釋相篇之餘 第二戒體第三戒行

卷第十七 中一之四

隨戒釋相篇之餘 第四戒相中四波羅夷

卷第十八 中一之五

隨戒釋相篇之餘 四波羅夷之餘

卷第十九 中二之一

隨戒釋相篇之餘 十三僧殘二不定

卷第二十 中二之二

隨戒釋相篇之餘 三十捨墮中自初戒至十五戒

卷第二十一 中二之三

隨戒釋相篇之餘 三十捨墮中自十六戒至終

卷第二十二 中三之一

隨戒釋相篇之餘 九十單提中自初戒至十四戒

卷第二十三 中三之二

隨戒釋相篇之餘 九十單提中自十五戒至三十七戒

卷第二十四 中三之三

隨戒釋相篇之餘 九十單提中自三十八戒至六十四戒

卷第二十五 中三之四

隨戒釋相篇之餘 九十單提之餘 提舍尼百業學四

卷第二十六 中四之一

持犯方軌篇第十五

卷第二十七 中四之二

持犯方軌篇之餘

卷第二十八 中四之三

懺六聚法篇第十六

卷第二十九 中四之四

懺六聚法篇之餘

卷第三十 下一之一

二衣總別篇第十七

卷第三十一 下二

二衣總別篇之餘

卷第三十二 下三

二衣總別篇之餘

卷第三十三 下二

四藥受淨篇第十八

卷第三十四 下二

四藥受淨篇之餘

卷第三十五 下三

鉢器制聽篇第十九 房舍五行調度衆具法附

對施與治篇第二十

卷第三十六 下三

頭陀行儀篇第二十一

卷第三十七 下五

僧像致敬篇第二十二 造立像寺法附

卷第三十八 下三

訃請設則篇第二十三

卷第三十九 下三

導俗化方篇第二十四

主客相待篇第二十五 四僧法附

卷第四十 下四

瞻病送終篇第二十六

諸雜要行篇第二十七 闡出世正衆比丘所依法

卷第四十一 下四

沙彌別行篇第二十八

卷第四十二 下四


尼衆別行篇第二十九 諸部別行篇第三十

四分律行事鈔資持記目次終

南 山 澄 照 大 師 像



靈芝大智律師像





四分律行事鈔資持記上一之一并序

大宋餘杭沙門釋 元照 撰

出家之士。真戒爲體。聚法居身。行必據體而修。故因名隨行。身必稱法。而動故果。號法身。誠由發趣有宗。依因得所。故也。且夫一識元明。垢淨叵得。從緣流變。彼我熾然。觸物生情。隨妄興業。繫諸有獄。受萬類形。億劫昇沈。罔有寧息。故我如來。乘真實道。闢大慈門。將令究盡苦源。故制先除漏業。譬天伐樹。始必刊枝。豈唯種果無依。抑使根株漸朽。毗尼爲教。厥致在茲。伏自蘊結中天。五宗競演。譯傳東夏。四分偏弘。雖九代相承。而六師異轍。而我祖師示四依之條。秉一字之權。軫力扶顛。爲如來所使。垂慈軌物。作羣生導師。首著斯文。統被時衆。莫不五乘並駕。七衆俱霑。攝僧護法之儀。橫提綱要。日用時須之務。曲盡規猷。是故歷代重之以爲大訓。然則理致淵奧。討論者鮮。得其門事類森羅。駕說者或容遺謬。由是研詳可否。搜括古今。罄所見聞。備舒翰墨。仰承行事之旨。題曰資持不違三行。

之宗。勸開卷軸。良以一部統歸三行。三行無越二持。科釋文言。貴深明於法相。銓量事用。使剋奉於受隨。是則教行雙弘。自他兼利。首題一舉。部意全彰。但由聖智通宏。凡情寡陋。以蠶酌海。長嗟罔測。其深捧土塞河。實愧不知其量。式酬祖德。少副夙心。庶永流通。冀裨萬一者爾。

歷觀往古述作。凡五十餘家。各謂指南。俱稱盡理。然今所立頗異。昔傳故於卷首。略標五例。一日定宗。二謂辨教。三敘引用。四明破立。五示闕疑。初定宗者。三藏分宗。所詮乃異。據行則雖通兼濟。在教則各有司存。往哲未詳。固多濫涉。竝廣談論。學以亂律。乘即增舞等記。隨文結釋。涅槃四果等並依法相廣列。章門是也。況復所引之論。多依俱舍婆娑。蓋用實宗。釋今假部。可謂宗骨顛倒。理味差僻。致令後銳枉費時功。忝在傳持。義當糾正。故今言教。則唯歸律藏。語行。則專據戒科。決持犯之重輕。建僧宗之軌範。此爲正本。餘竝旁兼。猶恐專隅。更須明證。戒疏大妄。戒中斥古云。有人依解廣豎義章。動經他日。意所異也。舉

宗以明持犯爲正自餘隨律之經略知名相而已
諸經論師自分宗體彼尙不解律刑此豈橫知他
學縱有前聞亦不得違費時損日徒張無益自宗
猶困於未聞況餘經論何由道盡可謂不識分量
也須臾死去莫復多事等已上請考斯文足爲龜鏡
宜須反跡勿事冰情

二辨教者夫教者以詮表爲功隨機爲用雖廣開
戶牖而軌度無差雖刻定楷模而攝生斯盡圓音
隨應情慮難求且依業疏三宗以示一家處判然
教由體立體即教源故須約體用分教相一者實
法宗即薩婆多部彼宗明體則同歸色聚隨行則
但防七支形身口色或遠方便此即當分小乘教
也二者假名宗即今所承曇無德部此宗論體則
強號二非隨戒則相同十業重緣思覺即入犯科
此名過分小乘教也三者圓教宗即用涅槃開會
之意決了權乘同歸實道故考受體乃是識藏熏
種隨行即同三聚圓修微縱妄心即成業行此名
終窮大乘教也然今四分正當假宗深有兼淺之

能故旁收有部教蘊分通之義故終會圓乘是則
大小通塞假實淺深一代雄詮歷然可見

三引用者自古引文多無楷式或全寫經論或具
錄祖乘或汎列儒書或多援字解既乖鈔旨實穢
眞宗今意所存類分三別初用三藏意聖教繁富
未可具舒事鈔建題撮要爲本放下序云自外不
盡之文必欲尋其始末則非鈔者之意今或申明
幽隱或錄校差違並具引正文仍隨難注釋自餘
易曉例不廣之二明用祖教者謂疏鈔傳錄儀集
圖語部文既廣非學不知其或以後廢前或指廣
如彼或斥奪謬妄或和會異同諸餘義章例亦不
舉三用俗書者莊嚴章句違律刑科讀詠外書如
經極誠祖乘有用義不徒然或是舉俗沉道或復
取義助文豈得專事浮華混同世論今或語勢相
涉或借用彼文但撮要示之令知所出及論字體
多從義訓兼復通依衆典不必專據字書
四破立者慈訓遠流傳迷彌衆考教義則綱領俱
喪逐名相則得失互彰必委而攻之則過成繁費

△釋四分律
爲三初分
緣起二初
標初

苟縱而不舉則人惑多岐至於大義有妨或復異計難革但隨文略指使理有所歸遂事爭鋒甚非今意

五闕疑者斯鈔大體詞簡事周淺識寡聞何由盡曉竊恐相承傳濫或是抄寫乖真或詳數未通或檢尋未獲義非臆度例竝闕如或但標曰未詳或且俱存衆說或擬尋文據或俟後講磨蓋遵聖論推本之懲抑憑祖教廢前之例故也覽斯五例臧否條然且舉大端餘廣如後

四分律刪繁補闕行事鈔序

作者非無標名題別

釋序題四分者五部之別名一宗之通號從文段數卽以爲目翻就此方總六十卷新學多昧委引示之初分二十卷從序至第二第二分十五卷從十一至二十八受戒健度一二十九至三十三卷比丘尼戒本五卷梵語捷度此云法聚卽說戒健度二三十四至五二卷此兩篇品之名說戒健度二捷度在第二分末第三分十四卷總十六安居健度三三十自恣健度四三十皮革健度五三十衣健度六三十九藥健度七四十

七四十一前四迦絺那衣健度八四十二拘跋彌健度九四十三前半瞻波健度十四十三後半訶責健度十一四十四人健度十二四十五覆藏健度十三四十五遮健度十四四十六破僧健度十五四十六後半減淨健度十六四十七尼健度十七四十八法健度十八四十九第四分十一卷前有二健度并後結集等四段房舍健度十九五十雜健度二十五十一二三共三卷戒分是五百結集五十四七百結集五十四調部毗尼五十五六毗尼增一五十八至以法正尊者於根本部中隨已所樂采集成文隨說止處卽爲一分凡經四番一部方就故號四分非同章疏約義判文故業疏云四分卽說之斷章斷字上戒疏云四度傳文盡所詮相此據說之所至非義判也二十健度離分三分可是義開耶問教流此士四律已翻四十五祖師何意偏宗四分答此士受緣始從四分餘部雖翻未聞依用業疏云神州一統約受並誦四分之文今所判釋約受明隨故立一部以爲宗本下云今判其持犯還約其受體斯意明矣



義淨三藏反掌問有引人法有序等文而云四分
有部未發此意
 部勝其義云何答非無此義必依十誦受戒可以
 部劣而宗四分耶序明勝劣爲彰部計淺深至第
 三門始論約教判處耳問且據現翻總六十卷梵
 本仍多如何四度誦終一藏答非謂一座名爲一
 度蓋取一期不定時限隨集至處未終且散卽爲
 一度如是至四一部方終五十分誦大同於此唯
 八十誦律一夏之功逐席爲目隨時各立未可一
 槩律者梵云毗尼華言稱律今約戒疏統括諸文
 不出三義初言律者法也從教爲名斷割重輕開
 遮持犯非法不定下文云又如世法據刑約制道
 法亦爾依根附教各有差降不可乖越故曰法也
 二云律者分也謂須商度據量有枉若律呂之分
 氣也一年十二月奇月屬陽名律四月屬陰名呂又云
 教相所詮四字斯盡謂犯不犯輕與重也若解四
 字通決無疑是則上品持律之最何名爲犯境緣
 具也何名不犯起對治也何名爲輕因果微也何
 名爲重反上句也然此四相非律不分持犯不蓋

有同氣候也三云律字安聿聿者筆也楚謂之事
出字必審教驗情在筆投斷又云處効決正非筆
 不定等問如上三義何以分之答三並世法比擬
 取名教詮楷定卽法義也辨析重輕卽分義也臨
 事決判卽筆義也具含此三故稱爲律自餘翻釋
 廣在中卷刪繁補闕者刪謂能刪繁卽所刪補謂
 能補闕卽所補世多不曉故須委釋卽分爲二初
 刪繁者自古傳律情見不同或疏或鈔十有餘家
 口相傳授亦非一二凡於一事解釋多途必備而
 引之則囿於行事但直申正義餘並刪除止用一
 言標破如云不同前解諸說不同餘義廢之昔解
 多途等今以標破之言謂之能刪屬在刪字削去
 諸說並號所刪屬於繁字上據義更須文證鈔
 興意云每所引用先加覆檢於一事之下廢立意
 多諸師所存情見繁廣今並刪略止存文證等問
 繁有幾種答略有二義一者繁廣卽上所明諸師
 情見刪除之者如自然定方七樹七間戒場先後
 夏中結解受日限定等並有多說今於鈔中例皆

不引卽義鈔兩疏所引古解者是二者繁濫如欲詞牒緣受日加乞之類今並除之卽羯磨篇云今欲剋剪浮言發揚聖旨等又如知鐘之語說戒淨口安居通聚自恣爲非僧網篇中廣列非制師資篇中妄行杖罰之類卽僧網云今則刪其繁惡補其遺漏等若依序文正存前意今取後說非不兼通縱有多述不出於此問上明所刪爲律爲疏答自昔不明去取兩異今爲分之謂本宗他部大小經論西土此方先賢文紀諸家鈔疏但使今鈔引者並是取文皆屬鈔字至於諸師情見或筆於文或傳於口今鈔不錄削除之者並是所刪卽刪繁字攝應知刪補之義鈔文前後時或有之豈得凡見引文例稱刪補傳述來久學者深須究之問如戒本緣起廣解辨相律藏文廣今鈔不引豈非刪律答律是聖教今家所宗但可取文豈宜刪去一者下文指廣如律并及大疏何得率爾例斥爲繁二者鈔與意中但云情見繁廣不云刪律一家宗部並無此語如何不思輒見輕謗若爾說戒篇云

今以普照道安二師爲本餘則取律誠文刪補取中豈非刪律答此迷語也彼以古師儀式有關有繁故惡本律刪彼所繁補彼所闕是則繁闕在二師之本刪補屬今鈔之用據斯以言彌彰上義問若不刪律應卽刪疏答但是異端或文或說豈局於疏及乎取彼要當還屬鈔取自餘不引始號刪繁故鈔與意中但云情見不言疏鈔也二明補闕者自古持律或隨已執見或暗於教部至於行事未適時宜如尺量短長由旬大小羯磨例皆白讀問難不取解知臥具謂非三衣者長不科減量淨地不立唱相七證全無謂詞斯類極多例皆遺闕今鈔約義準文補令詳備故下房戒定尺量已云余曾遊晉魏及以關輔諸方律肆每必預筵至論尺斗廢興曾未嘗述故卽補闕反光九代印本作補然既未嘗述得今以往古未論之事卽爲所補鈔中所引文義理例是爲能補問補闕與下文義決通爲同爲異答決通通先有補闕局元無餘如序中第五門說問隨機羯磨云律藏殘缺義有



遺補豈非補律答正由律缺行事不周故引文約
 例補彼獨磨至如律文仍前自缺何嘗補之問輕
 重儀云刪補舊章撰述事鈔準此刪補不在於律
 如何不許刪補舊章疏答所刪所補多出舊章能刪
 能補並見今鈔但章疏語局情見言通口授文傳
 理無不攝請詳鈔意勿事遲疑行事者行以運造
 爲義事卽對理彰名然事相多途義須精簡初以
 事通善惡此唯善事一就善中簡餘泛善局明戒
 善三約上下兩卷衆共二行名作善中卷自行名
 止善四約諸篇細分諸事上卷十二篇標宗一篇
 總勸行事集僧已下有五事初衆法緣成事集僧足數
 受欲羯磨受欲羯磨二匡衆住持事三接物提誘事
 結界五篇四檢察清心事五靜緣策修事安中卷四篇
 有二事初專精不犯事相持犯二犯已能悔事
 下卷十四篇分八事初內外資緣事二衣四二節
 身離染事對施三卑已謙恭事四外化生善事
 導俗五待遇同法事六日用要業事七訓
 導下衆事及尼八旁通異宗事是則一部始

終所詮行相無非三業鼓動方便緣構而成故云
 行事首題標此特異羣宗本設化根源正教詮宗
 骨反光九代斯言不虛故序云顯行世事方軌來
 蒙者百無一本此乃一家大要偏見諸文凡預學
 宗彌須詳練苟迷斯旨餘復何言問準下持犯事
 法兩分今唯題事則非攝法答彼明止作各攝分
 齊故須兩分今望運造無問事法通歸事耳問題
 云行事下云三行語音別召同異云何答行據造
 修行取成德由行成行語別義同莫非流入行心
 緣構成業也鈔者有二義一採摘義二包攝義謂
 於三藏正文聖賢遺記採拾要當以爲文體下云
 撮略正文卽初義也彼文既廣備錄則繁故於其
 間略提首後詞省理足下云包括諸意卽次義也
 至第十門當自廣說序有三訓隨義以釋爾雅云
 東西牆謂之序如世墻序在堂與之外卽喻序文
 冠一鈔之表此端序義也二序卽訓叙謂撰述始
 終十門例括三行條流使一部文義歷然不混此
 卽次序義也三訓緒者如縲繭得緒則餘絲可理



學者觀序則諸篇可求此謂由序義也一言標序
 三釋並通問昔云總別兩序其義如何答首標一
 題那云兩序今所不取略言三失凡言總別共彰
 一事如持犯總別二衣總別之例今序不爾前明
 製撰成文後括諸篇大義前後敵異總別焉成若
 以十門不同而云別者則總義持犯所列七門亦
 應是別戒業二疏各有總義並列多門例難亦爾
 此則全無總別之義為失一也又倣經宗通別二
 序且經中通序通於諸經別則簡於餘典今此鈔
 序為通何文為簡何典又以總序為發起別序為
 證信者且彼經家通是證信別為發起今則反之
 一何顛亂若言準彼得云兩序者彼以通他局此
 之異經後經前不同證信使百世無疑發起顯教
 非徒設科分二序其意在茲考此序文全非比擬
 妄引彼例為失二也且鈔以十門統其大綱又云
 此之十條並總束諸門等是則十門全無別義不
 曉文旨為失三也今申正解對下三十別篇止可
 通云總序於一序中大分三段前明著述但叙能

二條

詮之文中列十門乃括諸篇之義文義二種並屬
 教收教不徒然指歸濟行故後分三行統攝羣機
 一序始終教行期足略示大要餘在臨文題下注
 字顯上別名容含多意一者異古下斥古云顯行
 世事方軌來蒙百無一本今標行事得律宗旨二
 謂揀濫古師撰述皆云四分律鈔疏等故加別目
 知非餘者三為釋疑疑云宗律撰鈔但以所宗立
 題可矣何必更參刪繁等語若不注顯疑情不決
 故也中下兩卷語別意同

京兆崇義寺沙門釋

道宣 撰述

撰號中本為標名示文所出名容相涉別之以寺
 寺或同名揀之以處京兆者即古長安城今之永
 興軍也自古帝王建都之地故立此號京者訓大
 言土境之廣兆即是衆言士庶之多即律師行化
 之境亦即本所生地有云長城或云丹徒者長城
 丹徒此謂祖宗之所出非生處也行狀云大師在
 京華生長足為明據其出世示滅中間化事備載
 行狀此不煩引撰述者通而為言撰亦是述今既



二字文三初
通叙略述緣
戒雖以緣宗

兩標故須別釋。操謂操觚染翰。詮次成章。述謂錄
已推他相。循舊轍若準。後批云。武德九年撰而戒
疏批云。貞觀初年。以武德九年。即改貞觀。故無所
妨。彼疏又云。貞觀四年。遠觀化表於泌部山。為擇
律師。又出鈔三卷。乃承吾前本。更加潤色。筋脉相
通。準此。乃是重修前本案。目錄中。乃常貞觀八年
即今所傳之本也。舊云有六卷。又云後分十二卷。
準下序云三卷。攝文文無不委
見矣。

夫戒德難思。冠超衆象。為五乘之軌。導寔三寶之舟。
航依教建。修定慧之功。莫等住持佛法。羣籍於茲。息
唱

釋序文

初段歎戒中初二句標歎。為下釋成。又二上二句
舉喻彰德。依下四句對餘藏顯勝戒德。即所歎之
法難思。乃能歎之詞。戒有四義。法體行相。今從總
相唯歎戒法。所以不云難議者。以心思切近口議
疎遠。思之既難。必非可議。或可句。局理必兼之冠
下一句。顯上難思之義。既超象外。無物可比。故非

凡小心力所及。冠字去呼。謂束戴也。冠為首飾。取
高出之義。象謂世間諸所有物。問軌導舟航。豈非
象耶。答經律數戒。舉象雖多。但得少義。未可全同。
此中略舉二物。少喻戒功。軌導即車轍。明其發趣
也。舟航取其運載也。又標宗云。是汝大師。以能軌
物也。或如人足。能有所至也。或云大地。生成住持
也。道品樓柱。聖道所依也。禪定城郭。定慧所憑也。
乃至如池。如鏡。如纓。珞如頭。如器。如智。論中如重
寶。如命。如鳥翅。如船等。尋之可知。又篇聚中。先明
戒護具。列入喻。如王子。如月光。如如意珠。如王
子。如人。一目如資資。如王好國。如病良藥。又戒
本序如海無涯。如寶無厭。僧祇戒本如猿猴鎖。如
馬轡勒。廣在經律。不復繁引。良以戒德高廣。故非
一物可喻。偏舉諸象。各得一端。不能全似。故云冠
超也。五乘者。人天聲聞辟支及佛。能乘人也。五戒
十善。諦緣六度。所乘法也。乘此法者。必由奉戒。故
以戒法通為軌導也。常途如此。今別解云。如戒本
中。欲得生天上。若生人中者。常當護戒足。豈唯五

戒十善耶然戒有四位五八十具若約鈍根通爲世善若論上智俱作道基故善生云五戒甚難能爲大比丘菩薩戒而爲根本故知四戒皆導五乘今此標歎總含四位正在具足問戒疏云爲道制戒本非世福但據三乘今云五乘者答彼則專窮聖意用顯教源此明通被兩機以彰利普然則三乘爲語尙乃兼權若論雙樹重扶咸歸常住故知四戒皆導佛乘根器不同故分三五如是知之三寶舟航者三寶四種一體理體就理下化相一種局據佛世住持一位通被三時功由戒力運載不絕故如舟焉何以然耶由佛法二寶並假僧弘僧寶所存非戒不立如標宗中順則三寶住持違則覆滅正法又如華嚴云具足受持威儀教法能令三寶不斷等餘如後引或可越度凡流入三寶位必須受戒以合舟喻文通此釋前解爲正寔字音植訓實訓是次顯勝中有二初對二學明所詮行勝下對兩藏顯能詮教勝定慧莫等者須約兩意互明勝劣若望斷惑證眞則慧爲勝戒但止業

二廣叙弘傳
以生起二初
正像弘傳

定唯攝散故若約修行次第必戒爲始禪定智慧因之而生故今云建修正從後義故云莫等道教依因成論捉縛並同此意次顯教中群籍卽目經論二藏於茲乃指住持之事經論不談故云息唱謂剃染棄戒入道次第以至僧中受懺安恣結設治諫師資上下行住坐臥飲食衣服衆法別行此諸事相佛法紀綱住持萬代功由於此唯斯律藏委示規模餘藏非宗教所不辨故善見云毗尼藏者佛法壽命毗尼藏住佛法方住曲論來致備如中卷準上所詮亦須兩釋若詮理發智破妄顯眞則經論爲勝若軌事攝修滅惡生善則毗尼獨尊故知三藏各具勝能今望住持故有優劣問標宗所引大小經論亦明戒律那云息唱答雖復兼明號隨經律止是略歎戒功至如上列住持等事非彼所論故得云耳

自大師在世偏弘斯典爰及四依遺風無普叙弘傳中初文正法像法各一千年末法萬年如來定在正法四依通於正像文爲二段上明教主